

玄覽堂叢書續集

第二十六冊

文苑堂發書續集

卷二十一

總督四鎮奏議卷之七目錄

邊墻衝塌查叅將領疏

議邊工衝緩并造輕車疏

議減冗員增臺兵疏

循例自陳疏



總督四鎮奏議卷之七

邊牆衝塌查叅將領疏

題為邊牆衝塌數多踈略可慮乞

賜亟行查修并議重大橋工以省勞費事准整飭薊
州等處邊備兼巡撫順天等府地方都察院右
僉都御史蹇 浴案照先准兵部咨該巡關御
史傅光宅題前事奉

聖旨該鎮牆橋等項衝壞數多着督撫官上緊查勘
從長計處毋得廢弛邊備及虛費財力兵部知道

欽此欽遵備咨會同總督衙門督行鎮道等官
即將奏內破水衝塌牆橋臺座工程要見某處
傾圮若干某處見存若干某處為急修理當先
某處稍緩修理當後及各橋梁大工應否重複
修建固勿得盡弃前工廢弛邊備亦勿得徒計
目前虛費財力從長計處務求確當作速具奏
以憑覆

請其原各經管官員仍聽巡關御史查明分別叅治
等因又准總督軍門咨准兵部咨為乞查勘鎮

坍塌城工以懲冒破以重邊墉事該兵科給事中苗朝陽題前事奉

聖旨該鎮邊工報完先曾敘勞陞賞如何歷年未久輒被衝壞經管官員着該督撫官即便查明具奏定奪兵部知道欽此欽遵備咨會同順天巡撫衙門即將前項坍塌工程逐一查勘明確從長計處及將各該經管官員會行巡關御史查明分別叅奏

定奪等因准此除案仰昌平道查西協各路密雲道

查東協各路永平道查中協各路薊州道查昌
鎮各路外備咨前來隨經會同巡關衙門備行
各道查勘去後今據昌平道兵備右叅議于達
真呈稱親詣密雲道所屬地方會同西路協守
副總兵等官李如栢等自東而西逐一查勘除
石塘路並無節年建完牆臺止是坍塌原舊水
口隨已修完外勘得墻子路今歲雨水衝塌正
關橋城二十丈水口捨城四十二丈七尺曹家
路衝塌黑谷關水口墻四丈六尺正關住城裏

口墻一十丈裂縫四十餘丈坍塌倒班嶺正關
裏口城七丈又坍塌沿邊墻并住堡公廨鋪房
墻垣偏坡等工共八百二十八丈六尺空墩五
座邊鋪門樓房一十七間古北路衝塌潮河石
橋一座七洞長二十七丈樓臺二座邊墻二十
八丈一尺內除墻子路坍塌水口捨城四十二
丈七尺曹家路坍塌邊墻住堡公廨鋪房墻垣
偏坡等工共八百二十八丈六尺空墩五座邊
鋪門樓房一十七間俱係修建年遠今亦修補

將完不議外及查牆子路衝塌橋城二十丈係
萬曆十二年秋防山東右營都司陳子成中軍
馮元明千總張世德傳魏蔣炳文把總俞汝用
張圻于崇華李相王天周沈成馬一魁等下官
軍修完橋城一座長二十三丈五尺領過工價
犒卹銀六百兩都司陳子成以修建橋工加陞
遊擊領過

欽賞銀十兩今此橋雖在三年之內被水衝壞其修
橋將官陳子成已被叅劾革任無容再議又查

得古北路衝塌潮河石橋一座七洞二十七丈
自萬曆七年春防興工總理修橋委官千總陳
泰協同密雲輜重營遊擊李秉德分修橋工半
洞長一丈九尺零延綏營遊擊趙武代修德州
營遊擊陳汝忠橋工一洞長三丈八尺零大同
營遊擊沈棟代修德州營遊擊陳汝忠橋工一
洞長三丈八尺零鎮虜奇兵營遊擊冀永昌分
修橋工一洞長三丈八尺零古北路叅將杜桐
墻子路叅將賈斌共修橋工一洞長三丈八尺

零石塘路叅將王詔曹家路叅將徐從義共修
橋工一洞長三丈八尺零石匣營遊擊韓忠臣
分修橋工一洞半長五丈七尺零共領過工價
犒卹銀二千八百三十一兩二錢四分零于萬
曆八年秋防告竣

欽遣兵部費郎中會同巡按劉御史通將薊昌二鎮
三年之內修完緊要各項工程逐一覈勘悉皆
堅固錢糧亦無冒破題行兵部覆議將督撫鎮
守司道將領等官分別敘錄陞賞督工陳泰議

授署所鎮撫具題節奉

聖旨這工程既經勘實與尋常邊工不同各官效有
勞績梁夢龍加太子少保戚繼光廕一子與做錦
衣衛百戶楊四畏陞右都督照舊鎮守張夢鯉照
今銜陞俸一級岳汴雷以仁各陞一級戴燿等并
翟繡裳曰福各賞銀十五兩陳文治等各十兩衛
重鑑等各八兩賈應隆等劉勳等趙九思等各五
兩其餘俱餘擬該路工程今次既已敘錄以後閱
視不得再敘如有損壞虛冒仍照前旨查叅欽此

遵行在卷本道細看此橋大石之下滾木地釘
不下數千工力精堅無比橋壞之後俱被沙壓
詢問居人皆云始事之時水勢雖殺浮沙甚厚
原未見底止靠滾木地釘壓以巨石如以舟載
橋今年大水異常橋遂坐塌修建已經六年之
外例應免究及查該路坍塌古司一百一十六
號正關敵臺一座係隆慶三年秋防延綏營遊
擊高汝桂修建領過工價銀一百五兩已經一
十六年古潮砥柱右樓一座係萬曆八年秋防

保定忠順營都司何天爵修建領過工價犒恤
銀二百九兩已經六年之外又坍塌邊牆二十
八丈一尺內古司十八號臺東空邊牆七丈係
萬曆六年春防寧山營遊擊沃允謙修建領過
工價銀三十五兩已經八年之外古司一百四
號臺東空邊牆六丈係萬曆七年春防山東左
營都司趙勲修建領過工價犒卹銀六十三兩
古司一百一十二號臺西空邊牆九丈係萬曆
七年春防寧山營遊擊沃允謙修建領過工價

犒卹銀七十一兩六錢二分俱經七年之外古
潮砥柱右樓西邊牆六丈一尺係萬曆八年秋
防河大營遊擊王繼英修建領過工價犒卹銀
五十一兩已經六年之外以上修工官員例應
免究惟曹家路黑谷關衝顏水口城四丈六尺
正關裏口城十丈裂縫四十餘丈係萬曆十二
年秋防河大營遊擊王胤栢中軍曹長在千總
張應亨宋璞朱世勛把總劉勛邢子延史永安
楊一元嚴三策修建邊城八十四丈六尺共領

過工價犒卹銀六百三十四兩二錢王胤栢與
督工聽用官今陞密雲守備黃倬俱領過

欽賞銀五兩前工僅止年餘坍塌閃裂數多又本路
倒班嶺坍塌正關城七丈係萬曆十三年秋防
定州營都司安國泰中軍何承恩把總馬朝用
黃金貴修建關城三十丈共領過工價犒卹銀
二百四十四兩五錢未及一年于內坍塌七丈
以上工程修築不堅各該將官并督工官俱應
追論但今年大水陡發異常洶湧即如古北大

橋工力精堅尚且衝塌但係水口處所難保不壞所據十二年十三年修工各官王胤栢等四員或追論叅處或以天災異常一槩免議仍着落各營官軍照數陪修堅完不給鹽菜古北路樓臺邊牆行令該路上緊議修以資防禦至於古北牆子二橋原係通流河口遇有大水難免不衝相應停修止於各該河口水內再加築木兩岸多設拘馬大石冬月澆水成冰庶財用省而軍力蘇矣又據永平道兵備右叅政葉夢熊